

आकाशवाणी

खबरां ---

1. भारत नै ईरान च फंसे दे नागरिकें गी उत्थुआं कडुने लेई बनाई गेदी योजना सरबंधी कार्रवाई गी तेज कीता, कीजे पच्छमी एशिया च टकराव होर बी बददा जा करदा ऐ। स्हाढे 300 थमां मते भारतीये गी बाहर कडुने दी गुजारिश कीती गेई।
2. दक्खनी इस्राइल दे मुख अस्पताल च ईरानी मिसाइल पौने करी केई जख्मीं, प्रधानमंत्री बेंजामिन तेतन्याहू होरें फौज गी ईरान च रणनीतिक निशाने पर हमले गी तेज करने दा हुक्म दित्ता।
3. भारत क्रोएशिया सने भारत-यूरोपीय संघ मुक्त बपार समझौते पर व्यापक चर्चा होई। क्रोएशिया नै शुरूआती सौदे लेई अपना समर्थन दोहराया ऐ।
4. 54 भारती संस्थान क्यू. एस. वर्ल्ड यूनिवर्सिटी रैंकिंग च शामिल न, जिंदे च आई.आई.टी दिल्ली देसा दे शीर्ष संस्थान दे तौरा पर उभरिए आया ऐ।
5. सिक्किम च कल शुरू होने आहले कैलाश मानसरोवर यात्रा गी सुचारू तौरा पर शुरू करने दा सारी तैयारियां करी लैतियां गेइयां न।

<><><><><><>

नमीं दिल्ली च मीडिया कन्नै गल्लबात करदे होई विदेश राज्यमंत्री कीर्तिवर्धन सिंह होरें आखेआ जे सरकार गी ईरान थमां भारतीय नागरिकें गी बाहर कडुने लेई स्हाडे 300 थमां मती गुजारिशा मिलियां ना। उआं अज्ज बडुलै दक्खनी इस्राइल दे मुख अस्पताल च इक ईरानी मिसाइल डिग्गी जेदे च इस्राइल ईरान दे टकराव च परमाणु सुविधाएं ते नागरिक बुनियादी ढांचे पर नमें हमले कन्नै बधने दे चलदे व्यापक नुकसान पुजेआ ऐ ते केई लोक जखमीं होए ना।

<><><><><><>

Russia-Soldier's Bodies

रूस दे राष्ट्रपति व्लादिमीर पुतिन होरें आखेआ ऐ जे रूस 3 जहार सैनिकें दे पार्थिव शरीर यूक्रेन गी सौंपने लेई तैयार ऐ। सेंट पीटर्सबर्ग च अंतरराष्ट्री समाचार एजेंसिएं दे प्रमुखें कन्नै बैठक च राष्ट्रपति व्लादिमीर पुतिन होरें आखेआ जे रूस हुनै तगर 6 जहार सैनिकें दे पार्थिव शरीर यूक्रेन गी सौंपी चुके दा ऐ। पुतिन होरें आखेआ जे राष्ट्रपति व्लादिमीर पुतिन होरें आखेआ ऐ जे रूस 3 जहार सैनिकें दे पार्थिव शरीर यूक्रेन गी सौंपने लेई तैयार ऐ।

<><><><><><>

Russia-Prez.

रूस दे राष्ट्रपति व्लादिमीर पुतिन होरें इस्राइल ते ईरान बश्कार टकराव गी खत्म करने लेई मध्यस्थता करने दी पेशकश कीती ऐ। सेंट पीटर्सबर्ग अंतरराष्ट्री आर्थिक मंच दे बक्ख बाहरें इक गोलमेज सत्र च बोलदे होई पुतिन होरें सुझा दित्ता जे मास्को इक नेय समझौते पर गल्लबात करने च मदद करी सकदा ऐ जेदे कन्नै तेहरान गी शांतिपूर्ण परमाणु कार्यक्रम चलाने दे कन्नोकन्नी इस्राइली सुरक्षा सरबन्धी चिंताएं गी बी शांत करने दी खुल्ल दित्ती जाई सकदी ऐ।

<><><><><><>

Croatia

भारत ते क्रोएशिया नै लम्में समें थमां पिच्छे पेदी भारतीय यूरोपीय संघ दे मुक्त बपार समझौते पर चर्चा कीती ऐ। क्रोएशिया नै एफ.टी.ए दे तौले समापन लेई अपना सख्त समर्थन दोहराया ऐ ते इस कन्नै भारत ते यूरोपीय संघ दौनें गी होने आहले आपसी फायदें उप्पर जोर दिता ऐ। श्री मोदी हुदी इस यात्रा दरान केई उच्ची सतह दियां बैठकां लगियां। एहू यात्रा भारत-क्रोएशिया सरबंधें च महत्वै आली नजदीकी बधाने ते भविष्य दे रणनीतिक सैह्योगें लेई बुनियाद तैआर करने दा मौका साबत होई ऐ। मध्य ते दक्खन पूर्व यूरोपीय देसै दी दिन भरै दी यात्रा दरान प्रधानमंत्री होरें क्रोएशिया दे प्रधानमंत्री आंद्रेज प्लेंकोविच हुंदे कन्नै बांस्की वोरी च प्रतिनिधिमंडल स्तर दी व्यापक वार्ता कीती। दौने नेताएं संयुक्त प्रेस वक्तव्य जारी कीता। एह्दे च वैश्विक शांति, लोकतांत्रिक मुलखें ते बपार, प्रौद्योगिकी ते संस्कृति दे खेत्तर च सैह्योग बधाने दी प्रतिबद्धता व्यक्त कीती गेई। प्रधानमंत्री नरेन्द्र मोदी होरें आतंकवाद दी निंदेया करदे होई इसी मनुस्खता दा दुश्मन दस्सेआ। उनें 22 अप्रैल गी पहलगाम आतंकी हमले मगरा इक जुटता आस्तै प्रधानमंत्री प्लेकोविच ते क्रोएशिया सरकार दा धन्नबाद कीता ते आखेआ जे मुश्कल समें च गै आपसी विकास ते दोस्ती दा पता लगदा ऐ। भारत ते क्रोएशिया नै 4 समझौता ज्ञापनं पर दस्तखत कीते, जेह्दे क्रोएशिया च कुसै भारतीय प्रधानमंत्री दी पैहली यात्रा दरान दपक्खी सरबंधें च महत्वपूर्ण गैहू ऐ। पैहला समझौता ज्ञापन राई बाई ते सरबंधी क्षेत्रें च सैह्योग पर केन्द्रित ऐ। दूआ समझौता बरें 2026-30 तगर सांस्कृतिक आदान प्रदान कार्यक्रम कन्नै सरबंधत ऐ। त्रीआ समझौता क्रोएशिया दे विज्ञान, शिक्षा ते युवा मंत्रालय ते भारत दे विज्ञान ते प्रौद्योगिकी मंत्रालय बश्कार विज्ञान ते प्रौद्योगिकी च सैह्योग दे कार्यक्रम दी रूपरेखा तैआर करना ऐ। भारतीय संस्कृति सरबंध परिशद आईसीसीआर ते जगरेब विश्वविद्यालय बश्कार चौथा समझौता विश्वविद्यालय च हिंदी दी आईसीसीआर चेयर दी स्थापना आस्तै ऐ।

<><><><><><>

Defence Secretary Israel

रक्षा सचिव राजेश कुमार सिंह होरें इजराइल दे रक्षा महानिदेशक मेजर जनरल अमीर बरम हुंदे कन्नै फोन पर गल्लबात कीती। सोशल मीडिया दी पोस्ट च रक्षा मंत्रालय नै दस्सेआ ऐ जे दौनें नेताएं पूर्वी

एशिया च मजूदा हालात पर चर्चा कीती। एहू गल्लबात इजराइल ते ईरान बश्कार बधदी तनोतनी गी दिक्खदे होई ऐ। पिछले शुक्रवारें प्रधानमंत्री नरेन्द्र मोदी होरें इजराइल दे प्रधानमंत्री बेन्जोमिन नेतन्याहू हुंदे कन्नै क्षेत्र दे हालात पर गल्ल कीती। प्रधानमंत्री होरें मजूदा हालात पर भारत दी चिंता जाह्न करदे होई पच्छिम एशिया च तौले शांति ते स्थिरता ब्हाल करने दी जरूरता पर जोर दिता।

<><><><><><>

QS world University Ranking

रिकार्ड 54 भारतीय संस्थानें गी क्यू.एस वर्ल्ड यूनिवर्सिटी रैंकिंग च रक्खेआ गेआ ऐ जेदे कन्नै इंडियन इंस्टीच्यूट ऑफ टेकनालजी यानि आई.आई.टी, दिल्ली देसा दे शीर्ष रैंकिंग इंस्टीच्यूट दे तौरा पर सामने आई ऐ। आई.आई.टी दिल्ली दी वैश्विक रैंकिंग च मती उछाल दिक्खी गेई ऐ। दुनिया भरै च उच्च शिक्षा संस्थानें दी रैंकिंग दे नमें संस्करण च पैहले दी डेढ सौमी थाहर थमां उन्नै मौजूदा 123मीं रैंकिंग हासल कीती। एहू संस्थान आसेआ अजें तगर हासल कीती गेदी सब्बनें थमां उच्चै क्यू.एस वर्ल्ड यूनिवर्सिटी रैंकिंग बी ऐ।

<><><><><><>

PM-QS Ranking

प्रधानमंत्री नरेन्द्र मोदी होरें अज्ज क्यू. एस वर्ल्ड यूनिवर्सिटी रैंकिंग 2026 दा सोआगत कीता जेड़ा भारत दी वैश्विक शिक्षा ते शोध च बदधे कद दा सबूत ऐ। सोशल मीडिया पर केंद्री मंत्री धर्मेन्द्र प्रधान होरें हक पोस्ट च जवाब दिंदे होई प्रधानमंत्री होरें आखेआ जे क्यू.एस वर्ल्ड यूनिवर्सिटी 2026 दी रैंकिंग स्हाढे शिक्षा क्षेत्र लेई मती खरी खबर लेइयै आई ऐ। श्री मोदी होरें इस गल्लै दी दोबारा पुष्टि कीती जे सरकार नै भारत दे युवाएं दे फायदे लेई शोध ते नवाचार सरिस्ते गी होर अगगे बदाने लेई धेइया कीते दा ऐ।

<><><><><><>

Sikkim

सिक्किम च कल थमां शुरू होने आहली कैलाश मानसरोवर यात्रा दी सुचारू ढंगै कन्नै शुरू लेई तैयारियां कीतियां गेइयां ना। राज्यपाल ओम प्रकाश माथुर कल बडुलै नथुला दर्रा पर यात्रा दी शुरूआत झंडा दस्सियै करंगन। पैहला जत्था जेदे च विदेश मंत्रालय दे 2 अधिकारियें कन्नै 36 तीर्थ यात्रु शामिल न, कल अपनी यात्रा शुरू करंगन। स्टाढे संवाददाता दी रिपोर्ट मूजब हर जत्थे गी यात्रा पूरी करने च 10 थमां 11 दिन लगने ना। कुल 10 जत्थे होङन जेडे इस बारे सिक्किम दे नथुला थमां कैलाश मानसरोवर यात्रा करङन। 5 साल दे वक्फे मगरा यात्रा शुरू होई गेई ऐ।

<><><><><><>

Plane Crash DNA

अमहदाबाद एयर इंडिया विमान हादसे दे घट्टोघट्ट 210 मरने आहलें दी अजें तगर डीएनए मिलान दे राएं पंछान कीती गेई ऐ। गुजरात दे सौआस्थ मंत्री ऋषिकेश पटेल होरें अज्ज जानकारी दिती जे 187 लोथें गी अजें तगर उन्दे परोआरें आहलें गी सौंपेआ जाई चुकेआ ऐ।

<><><><><><>

CM Vande Bharat

मुख्यमंत्री उमर अब्दुल्ला होरें श्रीनगर थवां कटड़ा बश्कार चला'रदी नमी वंदे भारत एक्सप्रेस च सफर कीता। इस मौके पर उन्दे पिता डॉ. फारूक अब्दुल्ला ते सलाहकार नासिर असलम वानी बी मौजूद हे। नेशनल कांफ्रेंस दे प्रधान फारूक अब्दुल्ला होरें छडे 9 दिनें पैहले गै इस रेल च सफर कीता हा। वंदे भारत एक्सप्रेस रेल दा उद्घाटन प्रधानमंत्री नरेंद्र मोदी होरें कीता हा। एह रेल 7 जून गी शुरू होई ही ते बड़ी गै तौले इन्नै मुकामी लोकें, श्रद्धालुएं ते सैलानिएं बश्कार लोकप्रियता हासिल कीती ऐ।

<><><><><><>

Div.Com SAJNY

जम्मू दे डिविजनल कमिशनर रमेश कुमार होरें बनिहाल इलाके दा दौरा लाया ते राश्ट्री जरनैली शिड़क दी मौजूदा स्थिति ते श्री अमरनाथ जी दी तैयारिएं दा जायजा लैता। इस मौके पर उन्दे कन्नै रामबन दे डिप्टी कमिशनर मोहम्मद अलयास खान ते होर दुए अधिकारी मौजूद हे। डिविजनल कमिशनर होरें डिप्टी कमिशनर गी हिदायत कीती जे ओहू सारे कम्मै गी समें सिर पूरा करना यकीनी बनान। उनें लंगर लाने सरबन्धी मंजूरी दा बी जायजा लैता। उनें जिला प्रशासन गी हिदायत कीती जे ओहू सारे नियम कायदें दा पालन करन ते सारी थाहरें पर साफ-सफाई बनाई रक्खन।

<><><><><><>